

通志昆蟲艸木略

坤

函	番號	冊數	書門
於五	頁拾八號	共貳	博物書

一
 294
 2



門二叔I
補卷 2



昆蟲草木略第二

木類

茯苓曰茯苓其抱根者曰茯神典術云松脂入地千
年為茯苓今詳茯苓乃松脂所化而云千年未必耳
龜策傳云茯苓在菟絲之下今詳茯苓生山林而菟
絲生人間叢薄自清濁異趣非同類相感者

琥珀漢書云出罽賓國舊云松脂入地千年化成又
云茯苓千年為琥珀又云松脂內溢入地而為茯苓
外溢入地而為琥珀今之所得其中則有蚊蟲蜂螳
之類如生此皆是未入地所著者又云楓脂千年為

昆蟲草木略第二

昆蟲草木略第二



雜及之
問脫子
字

琥珀大體中土不生來從外國皆云初得之如桃膠
便可啖須臾則堅凝今人有煮蝦雞及青魚枕偽為
之者

鑿曰鑿珀舊云琥珀千年為鑿然不生中國不可知
也

栢爾雅曰栢樹生於乾陵者其木之文理多作菩薩
及雲氣人物鳥獸之形

桂本草有桂菌桂牡桂三條云菌桂無骨正圓如竹
牡桂一名棧一名木桂古云丹桂者謂其皮赤耳其
花實似吳茱萸藥中之靈物而薑桂之滋為食味所

重呂氏春秋云桂枝之下無雜木雷公云桂枝為丁
入木中其木即死江南李後主患清暑閣前草生徐
鍇令以桂屑布階縫中宿草盡枯爾雅云棧木桂
杜仲曰思仙曰思仲曰木綿其葉似辛夷嫩時可食
江南人謂之綿茅

荆又有蔓荆牡荆之別荆可以作筆者今人謂之黃
荆蔓荆亦曰小荆其實入藥用牡荆亦用實登真隱
訣注云北方無識者又云梁天監三年將合神仙飲
奉勅論牡荆曰荆花白多子子龕大歷歷疎生不過
三兩莖多不能圓或扁或異或多似竹節葉與餘荆

汁當作
質

不殊蜂多採牡荊汁冷而其餘荊被燒則煙火
氣苦牡荊體慢汁實煙火不入其中主治心風第一
于時遠近尋覓不得猶用荊葉則牡荊殆絕矣
寄生于木上有兩種一種大者葉如石榴一種小
者葉如麻黃其實皆相似云是鳥糞感木而生入藥
以桑上者良一名宛童一名寄屑一名寓木爾雅云
寓木宛童詩云葛與女蘿施于松上大者曰葛小者
曰女蘿生松上者曰松蘿
五加曰豺漆曰豺節葉作五義蘄州呼為木骨入藥
用根皮道家呼為金鹽母與地榆皆可煑石故曰何

以得長久何不食石蓄金鹽母何以得長壽何不食
石用王鼓王鼓者即地榆也又曰寧得一把五加不
用金玉滿車寧得一斤地榆安用明月寶珠
薰陸香即乳香南方草木狀云薰陸出大秦國其木
生於海邊沙上盛夏木膠流出沙中夷人取之賣與
賈客沈括云乳香即薰陸如乳頭者為乳香塌地者
為塌香雞舌香即丁香陳藏器以雞舌香為丁香母
今按沈括考究諸義直是丁香無疑齊民要術云雞
舌香世以其似丁子故一名丁子香應劭為漢侍中
年老口臭帝賜雞舌香含之後來三省故事郎官口

含雞舌香欲其奏事對荅芬芳日華子曰丁香治口氣正以此也

香當作春

辛夷曰辛矧曰侯桃曰房木北人曰木筆南人曰迎香人家園庭亦多種植離騷云辛夷車兮結桂旗木蘭曰林蘭曰杜蘭皮似桂而香世言魯班刻木蘭舟在七里洲中至今尚存凡詩詠所言木蘭舟即此也

不當在無

榆曰零榆曰白粉曰白榆其類有十數種榆即大榆也生莢如錢古人採其初生者作糜羹食之令人多睡故嵇康謂榆令人瞋也今不復食者惟用作醬取

陳者良其皮至粘滑可膠瓦石北人用膠禮觚儉歲農人食之以當糧有一種刺榆有鍼刺如柘其葉如榆淪而為蔬則滑美勝於白榆爾雅云樞莖唐風云山有樞即刺榆也

郭璞云槐當為秋

槐有二種爾雅云櫬槐大葉而黑謂大葉而黑者櫬也又云守宮槐葉晝聶宵炕謂晝聶合而夜炕布者守宮槐也又云槐小葉曰榎大而敲榎小而敲榎然楸梓類也檟桐類也不可謂之槐楸亦謂之穀其實入藥其皮造紙濟世之用也桑穀共生者即此也

母下脫
杖字

枸杞曰杞根曰地骨曰枸杞曰地輔曰羊乳曰却暑
 曰仙人杖曰西王母曰枸櫞曰苦杞曰托盧曰天精
 曰却老曰地仙苗爾雅云杞枸櫞世言有兩種無刺
 者曰枸杞有刺者曰枸棘又云蓬萊南丘村者高一
 二丈其根盤結甚固其村之人多壽考南地生者名
 枸棘有刺延蔓如草萊沈括云陝西極邊生者高丈
 餘大可作柱葉長數寸無刺根皮似厚朴甘美異他
 處大體出河西諸郡其次江淮間埂上者實如櫻桃
 暴乾為餅膏潤有味
 降真香曰紫藤香主天行時氣家舍怪異和諸香燒

煙直上天召鶴盤旋於其上

厚朴曰厚皮曰赤朴曰烈朴曰重皮其植曰榛其子
 曰逐折

猪苓曰猥屎曰豕膏曰地烏桃

竹之類不一爾雅云桃枝四寸有節今桃枝竹也唐
 人有桃竹杖詩以其冥為杖也又云鄰堅中此竹類
 而中實者今人謂之木竹也又云簡茶中此竹類而
 中虛薄者又云仲無筍今之筍管竹也又云篔簹竹
 此箭筍凡筍類惟箭筍為美故會稽竹箭有聞焉又
 云篠箭今箭竹小而希節者然竹之良者惟有篔簹竹

謝靈運所游之澗今在鴈蕩其自死筭則謂之仙人杖
枳生江北橘生江南考工記曰橘逾淮而北為枳言
橘過淮則亦化為枳矣故江北有枳無橘江南枳橘
皆有

穀曰吳茱萸或謂之檄續齊諧記云汝南桓景隨費
長房學長房謂曰九月九日汝家有災可急令家人
縫絳囊盛茱萸以繫臂上登高飲菊花酒此禍可消
景如其言舉家登高山夕還見雞犬牛羊一時暴死
長房聞之曰此代之矣世人此日登高飲酒帶茱萸
囊由此爾又風土記曰九日折其房挿頭辟惡氣今

人多臨井植之云飲其水則無瘟疫
山茱萸其實似萇楚之實一名蜀棗一名雞足一名
魁實

秦皮曰石檀曰盆桂其用在皮故曰秦皮亦曰岑皮
其木似檀俗呼為白榑木取其皮漬水染筆而書之
作青色故墨家用之

梔子曰木丹曰越桃其花六出西域謂之薝蔔花
合歡曰合昏曰青裳曰夜合其木似梧桐枝弱葉繁
互相交結每一風來輒似相解了不相牽綴植之庭
階使人不忿其葉至暮而合故曰合昏今人皆謂之

似當作
自

夜合花嵇康云合歡蠲忿萱草忘憂

秦椒曰檉田野人呼為樛子爾雅云檉大椒

衛矛曰鬼箭莖有三羽狀如箭翎俗謂之柶骨

紫葳曰陵苕曰菱華曰女葳曰陵時曰陵霄藤生依

緣大木今人謂之凌霄花有黃白二種爾雅云苕陵

苕黃華蘂白華菱白華者少故詩云苕之華云其黃

矣

蕪荑曰無姑曰蕪蒼曰姑榆爾雅云莖荑葑蔣榆類

也實似榆莢臭如狐可作醬

樛子曰食茱萸曰越博雅云樛越與吳茱萸俱有葑

名內則云三牲用菽是樛子也爾雅云椒檉醜菜

茶曰檉曰設曰苻其芽曰茗爾雅曰檉苦茶本草云

茗苦茶其品最有優劣薛能詩云鹽損添宜戒薑宜

著更誇茶而入薑鹽則下品也想薛能未知蒲甌香

雪之典故云

五木耳曰樛蘇恭云楮槐榆柳桑之耳也其桑耳曰

桑菌曰木麥曰桑臣曰桑黃

棘與棗皆有刺故棘文列刺棗文複刺切韻云棘小

棗也不生江南其刺曰棘鍼曰棘刺其實曰薪冀曰

馬胸曰刺原爾雅云終牛棘注云馬棘也刺麓而長

菴摩勒即餘甘也梵名之異耳

盧會曰訥會曰奴會俗呼為象膽木中脂也

石南曰鬼目

巴豆曰巴菽

椒曰蒼菽曰陸撥曰南椒生於漢中者曰漢椒蜀中

者曰蜀椒巴中曰巴椒

莽草曰春草曰芒草曰蒺爾雅云莽數節以其似竹

而中實促節離騷云朝搴阰之木蘭兮夕擘洲之宿

莽

郁李曰爵李曰車下李曰棣爾雅云常棣棠棣詩云

棠字衍

常棣之花鄂不韡韡

鼠李曰牛李曰鼠梓曰桿曰山李曰楸曰苦楸即烏

巢子也爾雅云楸鼠梓詩北山有楸

杉曰楸曰結松類也而材為良爾雅云楸結

蔓椒曰豕椒曰猪椒曰彘椒曰狗椒以其作狗彘之

氣又曰地椒言生於地上

鈞樟曰榆亦樟之類也爾雅云榆無疵又名無疵

豫章其木甚大南都之郡因此得名今人謂之樟木

雷丸曰雷矢曰雷實

檉榆類也而枚烈其實亦如榆莢似錢之狀

通志昆蟲草木

楊之類亦多白楊曰高飛曰獨搖人多種於墟墓間
故曰白楊多悲風蕭蕭愁殺人水楊曰楊柳詩云楊
柳依依又云蒲柳爾雅云楊蒲柳其條可爲箭箠故
左傳云董澤之蒲崔豹云水楊即蒲楊任矢用或言
藿苻亦水楊也移楊曰移曰扶移其木大數十圍無
風葉動華反復合所謂唐棣之華偏其反而崔豹云
移楊圓葉弱蒂微風大搖故又曰一名高飛一名獨
搖與白楊之名相近故郭璞云移似白楊

柳之類亦多柳曰天棘南人呼爲楊柳楊與柳實兩
種說文楊蒲柳也柳小楊也斬其枝橫倒曲直挿之

皆生其花謂之絮隨風如飛雪落地如鋪氈故騷人
之所取興也杞柳亦曰澤柳可爲柶捲者爾雅曰旄
澤柳

桐之類亦多陶隱居云有四種青桐葉皮青似梧而
無子梧桐色白葉似青桐有子其子亦可食白桐與
岡桐無異惟有花子耳花二月舒黃紫色禮云桐始
華者也一名椅桐人家多植之岡桐無子今此云花
便應是白桐也白桐岡桐俱堪作琴瑟據此說則白
桐者梧桐也其材可作琴瑟諸桐惟此最大可爲棺
槨左傳云桐棺三寸爾雅云所謂櫬梧又謂榮桐木

云字衍

通志卷之三

九

者此也詩云椅桐梓漆爰伐琴瑟注疏家不能別椅是岡桐桐是梧桐梓似楸別是一物爾雅謂之椅梓誤矣又有一種楨桐夏月繁花其紅如火又有紫桐花如百合又有刺桐其花側敷如掌枝幹有刺花色深紅又有一種實如罌子粟可作油陳藏器所謂罌子桐也

粟字衍

樂荆曰頑荆莖葉似石南

紫荆人多種庭院間即田氏之荆也

南藤曰丁公藤南史解叔謙鴈門人母有疾夜於庭中稽顙以祈聞空中曰得丁公藤即愈訪罌及本草

皆無乃至宜都山中見一翁伐木云丁公藤療風乃拜泣求得之及漬酒法受畢失翁所在母疾遂愈黃藥即藥實根也宋武帝患手瘡經年有沙門與一黃藥傳即愈又秦州出者謂之紅藥子葉似蕎麥枝梗赤色

云字衍

梓與楸相似爾雅云以為一物誤矣按雜五行書曰舍西種楸梓各五根令子孫孝順所以人家多種於園亭陸璣謂楸之疏理白色而生子者為梓齊民要術云白色有角者為梓無子為楸是皆不辨楸梓也梓與楸自異生子不生角

通志身引

蒲葦曰陸英葉似火欵莖有節節間分枝弱植高丈許芹爲水英接骨爲木英蒲葦爲陸英謂之三英枳椇曰木蜜蜀人謂之枸小雅南山有枸是也陸璣云似白楊其子大如指長數寸噉之如飴故曰木蜜鳥曰曰椇曰柜柳田人謂之柳葉欵臭而可染皂子可壓油爾雅云椇柜柳

訶梨勒如檄欖其未熟之子隨風飄墮者名隨風子椇似椿北人呼爲山椿江東人呼爲虎目葉脫處有痕如椇蒲子又如眼目故有其名其材易大而中器用又有一種山椇極似此詩唐風所謂山有椇是

也故爾雅云栲山椇注謂栲似椇色小白生山中亦類漆俗云櫛椇栲漆相似如一櫛即椿也

櫛曰椇亦曰櫛其實作椇曰皂斗曰椇斗然有二種南土多櫛北土多櫛爾雅釋木云櫛其實椇詩秦風云山有苞櫛並此也其釋木云椇杼與唐風云集于苞椇並是柞木而陸璣誤謂是此耳椇實之類極多大體皆桌屬也可食有似栗而圓者大小有三四種周禮邊人所謂櫛實是也二三實作一椇正似桌而小者大小有三四種爾雅所謂椇椇是也注云子如細桌江東人亦呼爲椇桌今俗謂之爲茅桌猴桌柯

梟皆其類也或曰榦之實似櫟而小不可食

楊櫨曰空疏良材也

南燭曰烏草曰猴藥曰男續曰後草曰維那木曰黑
飯草以其可染黑飯也道家謂之青精飯亦曰牛筋
言食其飯則健如牛筋也吳越名猴菽又名染菽亦
名文燭經冬不凋春夏採枝莖秋冬採根此木類而
叢生高三五尺亦似草故號為南燭草木圖經云人
家多植於庭院間俗謂之南天燭其實如梧桐子勻
圓黑色九月熟兒童食之極美今茅山道士採其嫩
葉染飯謂之烏飯甚甘香可以寄遠杜詩云豈無青

精飯使我顏色好謂食此能變白駐顏故仙經云予
服草木之王氣與神通予食青燭之津命不復殞並
謂此也

鹽麩子曰叛奴鹽蜀人曰酸桶吳人曰烏鹽其實秋
熟為穗著粒如小豆其上有鹽如雪可以調羹戎人
亦用此謂之木鹽故有叛奴鹽之名

無患子曰噤婁曰桓其子勻圓如漆今人貫為數珠
古今注云程雅問木曰無患何也荅曰昔有神巫曰
淫毘能符劾百鬼得鬼則以此木為棒棒殺之世人
相傳以為器用厭鬼故曰無患

檉曰河柳曰兩師曰春柳木中脂曰檉乳本草謂之赤檉木以其材赤故也大槩杉松之類而意態似柳故謂之檉柳爾雅曰檉河柳其材可卷為盤合又曰獲落郭云可以為杯器素此赤檉也又有一種名赤楊又名水松與此相似而植之水邊其葉經秋盡紅人多植於門巷杜詩頽檉曉夜希即此也
益智子葉似蕺荷實如李核去皮用之其中人如梔子縮砂之類可蜜煮為粽食昔盧循為廣州刺史遺劉裕益智粽裕吞以續命湯是此也按蘇軾記云海南產益智花實皆長穗而分為三節其實熟否以候

水而無三字原缺今補

日及之問脫日字

云字衍

葉當作樹

歲之豐凶其下節以候蚤禾其上中亦然大豐則實凶歲皆不實蓋罕有三節並熟者其為藥也止治水而無益於智其得此名豈以知歲邪
木槿曰舜曰檉曰檉曰及齊魯名王蒸其植如李五月始花故月令云仲夏之月木槿榮此木類也爾雅云入草例者樊光云其花朝生暮落與草同氣故在草中今人謂之朝生暮落人多植庭院間唐人詩云世事方看木槿榮言可愛易凋也亦可作籬故謂之槿籬

檉欄曰併欄曰箭曰王華注云葉可為帚華然有兩

種一種有須可作繩耐水一種小而無須葉可為帚
葩未吐時割去須而取之曰櫻魚淪而食之甚美南
方又有虎散枕榔冬葉蒲葵椰子檳榔多羅等與櫻
欄同類

荒花曰去水曰毒魚曰杜荒曰敗華曰兒草曰黃大
戟其根曰蜀桑根苗高二二尺葉似白前及桤葉根
皮似桑根正二月花紫碧色頗似紫荊而作穗絳州
出者花黃謂之荒花爾雅云杭魚毒本草亦云可用
毒魚其皮可汁藏梅
五倍子曰文蛤曰百蟲倉

之荒之
間脫黃
字

靈壽木漢書孔光年老賜靈壽杖顏注曰木似竹有
節長不過八九尺圍可三四寸自然有合枝之制不
須削治也

柞木曰械曰柎曰杼爾雅云柎杼詩析其柞薪又曰
柞械斯拔陸璣云柞械櫟也三蒼云械即柞也其葉
繁茂其木堅韌有刺今人以爲梳亦可以爲車軸

果類

棗之類多爾雅曰棗壺棗郭曰棗大而銳上者爲壺
又曰邊要棗郭云細腰者今謂鹿盧棗又曰擠白棗
郭云即今棗子白熟又曰槭酸棗今藥家所用酸棗

人孟子所謂養其楨棘是也又曰楊徹齊棗未詳又曰遵羊棗郭云實小而圓紫黑色俗呼為羊矢棗孟子所謂曾皙嗜羊棗是也又曰洗大棗郭云今河東猗氏縣出大棗如雞卵本草云一名良棗一名美棗一名乾棗謂大棗也爾雅又曰煮填棗未詳又曰蹶泄苦棗其子味苦皙無實棗不著子者還味檢棗郭云還味短味

橘柚之類多爾雅曰檇檇即大柚也其大如杆皮麤極厚又曰柚條今謂之柚似橘而大皮麤稍厚然皆不可口或言檇即枳蓋江北無橘所以爾雅只載枳

柚江南所產有柑有橘有橙人所常食三者之間而有數品又有枸櫞生於南方土人謂之香櫞如瓜以麤厚者為美

梅之類多爾雅曰梅栱又曰時英梅梅類而實小謂之雀梅

梨之類多爾雅曰檇蘿山梨也又曰梨山檇野出之梨小而酢者又曰杜其棠詩所謂蔽芾甘棠也謂之棠梨其花謂之海棠花其實謂之海紅子又曰杜赤棠白者棠此別棠梨赤白之異也

木瓜爾雅曰楸木瓜

豆蔻曰草菓亦曰草豆蔻苗葉似山薑杜若輩根似高良薑花作穗可愛故杜牧云豆蔻梢頭二月春南人亦採其花淹藏以當果品

葡萄酒生傳自西域史記云大宛以葡萄為酒富人藏葡萄酒至萬餘石又者十數歲張騫使西域得其種而還中國始有又有一種曰蔓蔓謂之山葡萄野出其實如葡萄而小亦堪為酒其莖主嘔逆斷其兩頭節吹之有汁出如通草

蓬蘽曰覆盆曰陵藟曰陰藟今人謂之莓大小有數種有蔓生者有叢生者有樹生者惟叢生者大而可

愛謂之蓬蘽其樹生者謂之覆盆子亦謂之西國草亦謂之畢楞伽爾雅云莖藟盆其鋪地蔓生者曰地莓爾雅云蔗蔗者地莓也

蓮爾雅曰荷芙蓉其莖茄其葉蓮其本菴其華齒菴其實蓮其根藕其中的的中薏按本草謂近根處白

莖也實謂蓮房的謂蓮子亦謂之藪爾雅曰的藪薏謂蓮子中苦心又按本草藕實莖一名水芝丹一名蓮宋太官作血蛸庖人削藕誤落血中遂散不凝自此醫家方知其散血也

芡曰蓴子曰鉤曰芙曰鴈喙實曰鴈頭實曰雞雍實

草字衍

莖字衍

本草曰雞頭實爾雅鉤芡葉大如荷皺而有刺俗謂之雞頭盤花下結房形類雞頭實正圓如榴核大根謂之莢菜莖謂之蔞蔞亦堪為茹
芡實即菱也俗謂之菱角可以當糧菱亦作菱爾雅菱蔞攔注云今亦謂之菱攔
櫻桃曰朱棗曰麥甘醋曰楔曰含桃曰荆桃曰李桃曰柰桃爾雅云楔荆桃禮含桃先薦寢廟
柿烏者謂之柶
木瓜短小者謂之檉檉亦曰蠻檉俗呼為木梨禮記謂之檉黎鄭氏誤謂黎之不臧者

亦字恐衍

甘蕨有三種赤色者曰崑崙蕨白色者亦曰竹蕨亦曰蠟蕨小而燥者曰荻蕨
芋曰土芝其母曰芋魁史記蜀卓氏云汶山之下沃野有蹲鴟至死不飢正謂芋魁蓋其形似也
烏芋曰藉姑曰水萍曰白地栗曰河鳧茨曰槎牙今人謂之茨菰其葉曰剪刀草曰燕尾草
鳧茨爾雅曰芍鳧茨
荔支亦曰離支始傳於漢世初出嶺南後出蜀中故蜀都賦云旁挺龍目側生荔枝南海藥譜云荔枝熟人未採則百蟲不敢近才採之則烏鳥蝙蝠之類無

不殘傷然亦不必荔枝諸果皆然東觀漢記云南海
舊獻荔枝龍眼十里一置五里一堠奔馳險阻道路
為患孝和時唐羌上書言狀帝詔太官勿復受獻蓋
此物易變一日色變二日味變三日色味俱變古詩
云色味不踰三日變舊時採貢以蠟封其枝或蜜漬
之而近代奸幸之徒連株以進南人苦之不知土地
所產之異而輒為人患何也無乃尤物者歟

龍眼曰益智曰龍目曰亞荔枝曰荔枝奴其味清甜
荔枝才過即食龍眼

桃之類多爾雅曰旄冬桃今謂之旄桃藤生出山谷

或言即寒桃也十月熟故謂之冬桃又曰桴桃山桃
今野出之桃也味酸苦不解核桃之實乾而不落其
中實者曰桃梟曰梟景本草云主殺百鬼精物上古
有神茶與鬱壘兄弟二人桃樹之下閱百鬼無理者
縛以葦索飼虎今人本此而作桃符
李之類多爾雅曰休無實李一名趙李又曰座接慮
李今之麥李即青李也又曰駁赤李此赤李著粉者
也陶隱居云李以姑熟所出南居李解核如杏子者
為佳
菴羅果若林檎而極大佛書多言之

石榴本草謂之安石榴爾雅云劉劉杙劉與榴通用故也一名丹若一名若榴其甜者又名天漿入藥多用酸榴
橄欖最療鯀鮐毒其木作楫撥著魚皆浮出故知物相畏者也

榛有三四種桌類也似桌而小正圓

蟲魚類

蟬之類多爾雅及他書多謬悠惟陶弘景之注近之本草蚱蟬注云瘧蟬也瘧蟬雌蟬也不能鳴者蟬類甚多莊子云螻蛄不知春秋則是今四月五月小紫

悠當作類

青色者而離騷云螻蛄鳴兮啾啾歲暮兮不自聊此乃寒蟬耳九月十月中鳴甚淒急又二月中便鳴者名蟬母似寒蟬而小七月八月鳴者名蛩螿色青今此云生楊柳樹上是詩云鳴蜩嘒嘒者形大而黑昔人噉之故禮有雀鷓鴣范范有冠而蟬有綏亦謂此蜩復五月鳴俗云五月不鳴嬰兒多天今其療亦專主小兒也按陶此說今實考其物寒蟬蟬母蛩螿也蛩螿與蜩蟬類也蛩螿在階除間及叢薄中夜鳴日不鳴蟬類在木上日鳴夜或鳴字林云蟬螻蛄也莊子所謂螻蛄者蟬類之別名爾而正名螻蛄乃是寒

蠅當作

蠅又蠅蠅條本經云一名蠅蝓寒蠅與蠅蝓類也故名號相亂凡本草所載名號有相亂者皆是物類近似故有互名非若他傳釋有名號相亂者非互名也皆是訛謬蠅蠅一物爾方言云楚謂蠅為蠅宋衛謂之蠅蠅陳鄭謂之蠅蠅秦晉謂之蠅究而言之實為二物夏小正云五月蠅蠅鳴七月寒蠅鳴是其義也今就而驗之有四五種有大如雀黑色其鳴震巖谷者是爾雅所謂蠅馬蠅是也五月以前鳴者似大蠅而差大青色或有紅者夜在草上日在木上聲小而清亮此則正謂之蠅七月以後鳴者似蠅色亦斑此

蟬者當作

則正謂之蟬亦名蛸螿而陶謂七八月鳴者名蛸螿色青此誤也立秋已後青紅二色者盡無之矣獨斑蟬盛焉有一種如大黃蜂黑色倦飛亦倦鳴故謂之瘿蟬即蟬之雌者爾本草蚱蟬是也夏秋俱有蘇恭云蚱者鳴蟬也諸蟲獸以雄者為良以陶說為誤後來注釋者又引玉篇云蚱者蟬聲也明蘇說是且陶謂之瘿蟬豈妄哉蓋據當時所用之名物而言之醫家多用蟬蛻而希有用蟬者故不親識其所用之名物以意測度又尋經引傳以釋證之爾且萬物之理若非的識其情狀求之經傳展轉生訛况爾雅玉篇

脫當作

何可盡信舊云蟬是蜚螻所轉丸久而化成至夏便登木而蛻此說非也蜚螻轉丸但成其子而蟬正是蜚螻化爾又糞中蟻蟻及載蟲之類亦化為蟬也蟬脫曰枯蟬曰伏蟻

龜之類多爾雅一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜神龜龜之最神者靈龜本草謂之秦龜亦曰紫蠟其甲有文似璫瑁而差薄耳故名鼈皮此龜一名蠟蠟俗呼靈蠟能鳴多出涪陵其甲可以卜攝龜小龜也一名蠟龜一名夾蛇龜好食蛇故亦謂之呷蛇龜郭云腹甲曲折解能自張閉江東呼為陵龜或言此龜乃蛇所化故頭尾似蛇俗呼鼈龜即此寶龜傳國者所寶文龜甲有文彩者河圖曰靈龜負書丹甲青文筮龜常在著叢下者龜策傳曰著蒲百莖其下必有神龜守之山澤水火之龜皆其所生之處也火龜蓋生於火者亦猶火山國所出火鼠是也郭氏謂物有含異氣者不可以常理推龜溺醫家謂之石腦油最難得惟以鑑照之龜見影則失溺急以荷葉承之又法以紙炷火上協熱以點其尻亦致失溺

蠶之類多爾雅曰蠶桑繭繭由樗繭棘繭繭繭蠶繭
繭此皆蠶類吐絲成繭者食桑葉為繭者曰蠶蓋蠶
也或云野蠶食樗葉棘葉繭葉為繭者曰繭由食蕭
葉為繭者曰蠶蕭蒿也原蠶者再熟之蠶也淮南子
原蠶一歲再熟然王法禁之者為殘桑也周禮禁原
蠶者注云為其傷馬今以蠶為末塗馬齒即不能食
草以桑葉拭去乃還食此明蠶馬類也物莫兩盛
蟹之類多而螃蠏為勝其螯上有毛仙方以化漆為
水服之長生以黑犬血灌之三日燒之諸鼠畢至雖
云取無時然未被霜以前甚有毒不可食或曰八月

佳小之
間脫一
螫大
螫小

一日每蟹取稻芒長寸許東方輸送海神過八月乃
可取也又有彭蠡彭蠡蠶蠶蠶蠶並生海中唯彭
蠡不擇地生多於溝渠間其膏可塗濕癬疽瘡肉不
可食令人吐下至困蔡謨誤食者此也彭蠡吳人語
訛為彭越南人謂之林禽可食作蠶尤佳小者名擁
劍一名桀步一名執火其螯赤此三種皆如小蟹而
蠶蠶一名蠶大者徑赤小者如螃蠏大隨潮退殼一
退一長兩螯至彊故云能與虎鬪蠶如升大頗似蠶
蚌而殼銳
蜂之類多本草蜂即蜜蜂也大黃蜂即土蜂也一名

通志昆蟲卷之二

三

蜚零穴土以居今宣城所生蜂兒者土蜂也木蜂即
俶瓢蜂也結窠如甌在水上者

蠮螋曰土蜂曰螺贏曰蒲盧俗謂之蠮螋捷泥入於
屋壁間及器物旁作房或雙或隻亦入竹管中以泥
封其口其類不一也凡蜂蟻皆不能生子只取他物
呪成而陶隱居乃謂此生子如粟米大在房內仍取
他蟲置其中以擬其子大為糧也以詩云螟蛉有子
螺贏負之為謬矣後來人有壞其房而看之果見有
卵如粟在死蟲之上皆如陶所說此蓋不究其義也
諸蟲在蟄尚不食况其形體未定猶在窠中時何得

負當作
蟲

有飢飽也壞其房而見卵與死蟲者是變與未變耳
將其故房看之其蟲殼皆如蛻形則非為物所食明
爾且蚱蟬生於蛻蝦衣魚生於瓜子龜生於蛇蛤生
於雀白鷓之相食負蝨之相應其類不一然則螟蛉
螺贏不為異矣

蚯蚓爾雅曰蠹蚓蟹蝥亦謂之蟹蠹江東呼寒蚓

蜻蛉爾雅曰虹蛭負勞亦謂之蜻蛉

螻蛄爾雅曰不過螻蟻其子蟬蛸又曰莫緝螻蛄蚌

謂螻蛄有芥蟬蛸亦曰食疣曰螻蛄

蚰蝓關東謂之螻蝓故爾雅曰螻蝓入耳以此蟲能

入人耳故得入耳之名

蜚爾雅曰蜚蠊蟹郭云蟹即負盤臭蟲按此亦謂之負蟄即草蟲也春秋書蜚以其能害稼本草謂之蜚蟲亦謂之蜚蠊

蟻爾雅曰蛄蟻蟻爾莊子曰蟻娘之智在於轉丸

蝸木中蠹蟲也爾雅曰蝸蛄蝸

蟻俗呼山羊有長角斑黑色喜齧桑葉及橘柚爾雅

曰蟻齧桑

蟬似蟻娘而小有文彩爾雅曰蟬渠畧又曰蛟

蟻蟻郭璞云江東呼蟻蟻以有金色

守瓜者瓜瓠之葉上黃甲小蟲能飛者爾雅曰蠶與父守瓜

穀蠹米穀中小黑蟲也爾雅曰蛄蟹強犂建平人呼為蟬子

蜈蚣爾雅曰蒺藜螂蛆性能制蛇見大蛇則噉其腦蛇不動而畏蛆蛆每遇蛆亦不敢動蛆以涎繞其足盡落

馬陸似蜈蚣而小尤多脚不能毒人曰百足曰馬軸所謂百足之蟲至死不僵者此也

蝦蟆之類多以蟾蜍為上曰鼃曰去甫曰苦龍昔張

暢弟收為獒犬所傷醫云宜食蝦蟆鱸收甚難之暢
含笑先嘗蓋此物但入藥用而非可食也其肪塗玉
刻之如蠟或不可得但取肥者剉煎膏以塗玉亦軟
古玉器有奇特非彫琢人功者多是昆吾刀及蝦蟆
肪所刻也爾雅螿蟆有一種生於田中大者三四枚
重一斤南人名為水雞亦名蛤又一種生山谷中黑
色肉紅名石鱗魚並可食其小者名鼃其大於鼃而
青色者曰青鼃凡蝦蟆之類皆不交合惟雌雄相對
吐沫漸成魚子遂變而成科斗爾雅云科斗活東亦
曰活師古人科斗書蓋取象於此

馬蠃爾雅云蝦馬蠃郭云馬蠃蚋俗呼馬蠃方言云
北燕謂之蛆蝶其大者謂之馬蚋蚋即蠃也

載蟲曰蝮其毛能螫人故爾雅曰蝮毛蠹又曰蠹蝮
蝮者黑毛蟲也其毛皆能射人

蠹蝮爾雅云蠹蝮蠹土中大白蟲也本草一名蠹
蝮一名蠹蝮一名勃齊

蝮蝮爾雅云蝮蝮蝮木中蠹蟲也方言關東謂之蝮
蝮梁益之間謂之蝮

鼠負瓮底白粉蟲也爾雅云蝮鼠負又曰蝮威委黍
詩蝮威在室蠹蝮在戶

牛蠱蠅類噉牛馬血爾雅云強蚘

衣魚亦謂之蠹魚以能蠹衣裳書帙亦謂之蛎魚亦謂之蟬爾雅云蟬白魚

莎雞曰酸雞曰樛雞曰天雞曰樛鳩曰翰爾雅云翰天雞黑身赤頭似斑猫

土蛹爾雅曰國貉蟲蠻郭云今呼蛹蟲為蠻

螢火爾雅云螢火即炤本草一名夜光一名放光一名熠燿詩云熠燿宵行呂氏春秋云腐草化為螢

蠖蛄曰蝻曰天蠖曰蝻曰蝻蛄亦曰蝻蛄故爾雅云蝻天蠖又曰蝻蝻蛄方言云南楚謂之杜狗此物頗

神鬼字

協神鬼昔人獄中得其力者今人夜忽見出多打殺之言為鬼所使也荀子所謂梧鼠五技而窮蔡邕勸學篇云碩鼠五能不成一技者此物爾魏詩所謂碩鼠者大鼠也

蝸牛曰蝸輸曰陵蠡曰土蝸曰附蝸爾雅蝸蠃蟻輸凡蠃之類皆負殼惟此能脫殼而行頭有兩角故曰蝸牛

水蛭曰蛟曰至掌

蠓之類多爾雅云蠓蠓蠓似蚋而小斜陽則群聚闖飛蜥蜴之類多爾雅云蝻蝻蜥蜴蟻守宮也今按小

而青者曰蜥蜴大而黃者曰蝮蟻最小在牆間砌下者曰守宮種類既異而此釋為一物恐亦未審也又按本草蜥蜴謂之石龍子一名山龍子一名石蜴楚人謂之蛇醫或謂之蝮蝮青尾有五彩蝮蟻似蜥蜴而大黃色亦謂之蠶蟻也守宮似蜥蜴而小在屋壁間故名守宮故東方朔謂非守宮則蜥蜴也守宮又名蠍虎舊云以朱飼之滿三斤殺之乾末塗女子身有交接事便脫不爾如赤誌故謂之守宮

又字恐行

蝮有兩種一種作猪蹄者又名蠶猪一種作鼠脚舊云蝮能跳入虎耳中而見鵲便仰腹受啄物有相制

如此

鼯鼠曰隱鼠曰鼯鼠形類鼠而肥多膏黑色無尾長鼻常穿耕地中行旱歲則為田害

蠖有仲蟲也爾雅云蠖蚘蠖

蝻曰蟋蟀曰青蛩楚人謂之王孫幽州人謂之促織秋至則鳴故曰促織鳴懶婦驚

鼯鼠即飛生也一名鼯鼠

青蚨一名蠶蝸搜神記曰南方有蟲名蜚蠊如蟬大辛美可食其子如蠶種取其子則母飛來雖潛取必知處殺其母塗錢子塗貫用錢則自還淮南子萬畢

云之上
脫術字

云青蚨一名魚伯以母血塗八十一錢以子血塗八十一錢置子用母置母用子皆自還也或云自是雄雌不相捨爾

蛇之類多爾雅曰蝮蝮郭云蝮屬大眼最有毒今淮南人呼蝮子又曰騰騰蛇騰音郭云龍類也能興雲霧而遊其中淮南子云蟒蛇騰又曰蟒王蛇蟒蛇之大者謂之王蛇又曰蝮虺博三寸首大如擘江淮以南曰蝮江淮以北曰虺

鯉鱣鯢鮪鮠爾雅無異名鱣今之黃鱣魚短鼻口在領下體有三行甲無鱗大者長二三丈亦能化龍

鮠今之鯪魚也

鮠廣雅云鯪魚也

鯪爾雅云鯪鮠小魚體圓而有點文常張口吹沙故亦名吹沙

鮠爾雅云鮠黑鮠郭氏謂即白脩江東呼為鮠臣又疑即鯪魚以背黑故亦名黑鮠

鮠爾雅云鮠鮠今泥鮠也似鮠而小

鮠爾雅云鮠大鮠小者鮠即鮠也郭云今青州呼小鮠為鮠按鮠與鮠音與義同又本草作蠶一名鮠舊言是公鮠蛇所化頭有文

鮪當作

鮪爾雅云鮪大鮪小者鮪郭云鮪似鮪而大白色

鮪爾雅云鮪當鮪海中黃魚也似鮪而大鱗肥美多

鮪江東呼其最大者為當鮪

鮪爾雅云鮪鱗刀郭云今之鮪魚也亦呼為鮪魚按

鮪魚所在有之

鮪爾雅云鮪鱗似鱗而小眼赤多生溪澗傳麗木底

難網捕

鮪爾雅云鮪鮪

鮪爾雅云鮪鮪今鮪魚亦呼鮪鮪徽州一種鮪頭似

蝮蛇背有五色生溪澗

鮪之類多爾雅曰鮪大鮪郭云鮪大者出海中長二

三丈須長數尺今青州呼鮪為鮪

羸之類多爾雅云羸小者蝮郭云螺大者如斗出日

南漲海中可以為酒杯按今所謂鸚鵡杯者出南海

蚌之類多爾雅云蜃小者玳即小蚌也一名玉玳可

飾佩刀鞘詩傳云天子玉琫而玳玳是也山海經激

汝水中多蜃玳今廣州東南道極多人取以摩作棊

子鬻之

鼉亦作鮑狀如鮫鯉長一二丈者能吐氣成霧致雨

善攻碣岸性嗜睡常閉目極難死聲甚可畏其皮可

冒鼓凡鼃鼃之老者能變為邪魅或云多年鼃入水化為龍梁周興嗣常食其肉後為鼃所憤便為惡瘡實疆靈之物不可輕殺

魚脚之間脫四字

鮓爾雅云鮓大者曰鮓即雌鯨也大者長八九尺狀似鮓魚脚前似獼猴後似狗聲如小兒啼今洞庭有之

禽類

佳爾雅謂之鳩鴝亦曰祝鳩今所謂鶉鳩也謹愿之鳥凡鳥之短尾者皆謂之佳惟夫不專名焉故指佳為鳩鴝也鳩方扶鴝方浮

鷓鴣爾雅謂之鷓鴣鷓居物反鷓鴣音骨嘲今謂之

鷓鴣似山鵲而小短尾青黑色多聲江東亦呼為鷓

鷓廣雅謂斑鳩誤矣斑鳩即勃鳩也

鷓鴣爾雅曰鷓鴣即布穀也一名桑鳩一名擊穀江

東呼為獲穀禮記謂之鳴鳩鷓苦八反鷓音菊

鷓鴣爾雅曰鷓鴣郭云小黑鳥鳴自呼江東名為鷓

鷓按此似鷓鴣無冠而長尾多在山寺厨檻間今謂

之鳥鷓鴣音及按玉篇廣韻無鷓字惟有鷓字音及鷓步丁反

鷓鴣爾雅曰王鷓鴣類多在水邊尾有一點白故楊

雄云白鷓鴣舊說鷓鴣類誤矣鷓鴣七徐反

鷓鴣陸璣云大如鷓青灰色卑脚短喙水鳥之謹愿

者也

鵲爾雅曰鵲鵲音格鵲音忌欺郭云今江東呼鵲為鵲鵲亦謂之鵲鵲

鳩爾雅云天狗魚狗也似翡翠而小青碧可愛鳩音立

鷦爾雅曰天鷦郭云大如鷦雀色似鷦好高飛作聲江東名之曰天鷦音綢繆之繆按此雀類似鷦而小尾長以其能鳴故人多養之俗呼告天所在寒月多有之鷦音藥

鷓爾雅曰鷓鴣今之野鷓鴣音六鷓力于反

鷓爾雅曰鷓鴣即鷓鴣也

鷓爾雅曰鷓鴣音洛郭云水鳥也似鷓而短頸腹翅紫白背上綠色江東呼為鷓音駁

舒鴈爾雅曰鴈

舒鳧爾雅曰鵞鴨也

鵞爾雅曰鵞鵞水鳥也今亦謂之鵞鵞似鳧脚高毛冠郭云江東人家養之以厭火災

鷓爾雅曰鷓鴣音烏鷓音澤鷓胡也形極大喙長尺餘頷下有胡大如數升囊好群飛沉水食魚俗謂之淘河許慎云鷓也

通志
翰爾雅曰天雞翰音汗逸周書曰蜀人獻文翰文翰者若翬雉按今有吐錦雞蓋雉類惟蜀中有之仰日吐錦甚有文彩

鷩爾雅曰山鵠今喜鵲也郭氏謂似鵠而有文彩長尾背脚赤鷩音握

南當作東

鷮爾雅曰負雀鷮音活郭云鷮鷮也江南人呼之為鷮善捉雀因名云按此即今之小鷮也蓋鷮類南方無鷹唯呼此為鷹

鷯爾雅曰鷯老鷯音豕郭云鷯鷯也俗呼癡鳥字林云句喙鳥按此蓋鷯類能捕雀句喙目圓黃可畏如

拳大小者猶俊

鵯爾雅曰剖葦注云好剖葦皮食其中蟲因名云

江東呼蘆虎似雀青斑長尾鷯音遼

桃蟲爾雅曰鷯其雌鷯音艾似黃雀而小一名鷯鷯一名鷯鷯一名桃雀俗呼巧婦

鳳凰爾雅曰鷯鳳其雌皇神鳥也其雛曰鸞鷯雞冠

蛇頸魚尾龍文龜背燕頰前後五色備舉高六尺許

京房云高丈二出於東方君子之國飛則群鳥從以

萬數非梧桐不栖非竹實不食晨鳴曰發鳴朝鳴曰

上翔晝鳴曰蒲昌昏鳴曰固常夜鳴曰保長鳳古作

前上下
脫麟鹿
字

朋字

赤當作灰

鷓鴣爾雅曰鷓渠雀屬也長尾背上青赤色腹下白頸下黑飛則鳴行則搖

鷲斯爾雅曰鷲鷲亦謂之雅鳥蓋雀類差小多群飛食穀粟俗呼必鳥鷲音匹聲相近

鴛爾雅曰鴛母即鴛也青州呼鴛母田鼠所化鴛鴦音如謀

密肌爾雅曰繫英英雞也啄啖石英故得名焉

鴛爾雅曰鴛周即子規也多出蜀嶺郡故名焉蜀王望帝化為子規嶺希規反

燕玄鳥也爾雅曰颯陸璣云齊人謂之乙燕有二種爾雅又曰燕白脰鳥則知此為紫燕矣

鷓鴣爾雅曰鷓鴣陸璣諸儒皆謂為巧婦誤看詩文也今按郭氏說此及方言皆謂是鷓類據下言茅鷓

怪鷓則此應是鷓無緣得是巧婦鷓鴣音遙寧決狂爾雅曰茅鷓郭云今鷓鴣也似鷹而白

白鷓爾雅曰怪鷓廣雅謂之鷓鴣郭云今江東呼此屬為怪鳥

臯爾雅曰鷓即訓狐日暝而夜作賈誼所賦鷓鳥是也其肉甚美可為羹臠又可為炙漢供御物說文云

無上脫屬字

集食母不孝之鳥故冬至捕梟磔之字從鳥首在木
上或說即今伯勞也食母

爰居爾雅曰雜縣海鳥也葦止於魯東門之外又漢
元帝時琅琊有大鳥如馬駒時人謂之爰居

鷹之類多皆雀屬也爾雅曰老鷹鷓音晏雀也又
曰春鷹鴝鷃夏鷹竊玄秋鷹竊藍冬鷹竊黃桑鷹竊
脂棘鷹竊丹行鷹啣啣宵鷹噴噴竊古淺字言其色
之淺啣啣音即噴噴音責皆其聲然也或取其毛彩
或取其鳴聲以命名鷹雖雀屬皆以時見亦猶鷓鷹
然農家須其鳴以候時故又命以四時也桑鷹郭云

青上脫
之字

俗謂青雀今名鵲性慧可教桑棘之鳥多在是木
故名行鷹者多在籬落如雞雉然不飛去故名宵鷹
者能傳夜故名鴝音汾鷓救倫反

鷓鴣爾雅曰戴鷓鴣彼及反鴝皮反反鷓女金反郭
云鷓即頭上勝今亦呼為戴勝鷓鴣猶鷓鴣語聲轉
耳按方言關東曰戴鷓

鷓爾雅曰澤虞鷓字往反郭云今姻澤鳥似水鴨蒼
黑色常在澤中見人輒鳴喚不去有象主守之官因
名云俗呼護田雞按此鳥亦多在田中閩人呼為姑
雞紡以其聲類紡聲且聒聒不輟

鷓鴣爾雅曰鷓於計反

鷓鴣爾雅曰其雄鷓牝庫鷓類此別其雌雄之異名耳鷓蝦蟇所化庫音脾

鷓爾雅曰沉鳧似鷺而小尾白俗呼水鴉好沒故曰沉鳧鷓音施

鷓頭爾雅曰鷓鴣於鳥反郭云似鳧脚近尾略不能行江東謂之魚鷓許交反按此鳥類野鴨而有文彩不能行多溷野鴨群中浮游

鷓鴣爾雅曰寇雉郭云鷓大如鴿似雌雉鼠脚無後指岐尾為鳥愁急群飛出北方沙漠地

似兔之間脫狐字

雀爾雅曰老鷓郭云木兔也似鷓鴣而小兔頭有角毛脚夜飛好食雞臣疑此即訓狐以其首似兔故有此等名鷓音兔

鷓爾雅曰鷓鳥鷓音突郭云似雉青身白頭

狂爾雅曰寢鳥山海經云栗廣之野有五采之鳥有冠名曰狂鳥

皇爾雅曰黃鳥即黃鸝也一名倉庚一名商庚一名鷓黃一名楚雀一名搏黍一名黃離留陸璣云常以椹孰時來故里語曰黃栗留看我麥黃椹孰不故又名黃栗留

通志鳥部卷三
非翠爾雅曰鷓音聿其羽可以飾器物

鷓爾雅曰山鳥郭云似鳥而小赤背穴乳出西方

蝙蝠爾雅曰服翼今亦謂之蝙蝠鼠所化故又名仙

鼠

晨風爾雅曰鷓似鷓而小青黃色燕頰

鷓爾雅曰白鷓鷩音揚厥郭云似鷹尾上白

鷓爾雅曰蟲母郭云似鳥鷓而大黃白雜文鳴如鷓

聲今江東呼為蚊母俗談此鳥常吐蚊因以名云鷓

蟲音田文

鷓爾雅曰須臾鷓鷩也似鳧而小其膏可瑩刀劍古

大翅之
間脫肉
字短之
間脫脚
字

詩云馬銜苜蓿葉劍瑩鷓鷩膏鷓鷩音梯螺

鷓爾雅曰夷由似蝙蝠而大翅尾長三尺許背上

蒼艾色短爪長飛且乳故又名飛生聲如人呼食火

烟能從高赴下不能從下升高鷓音吾

鷓爾雅曰啄木鷓音列今亦謂之斲木鳥常啄木剥

剥然取蠹蟲食

鷓爾雅曰春鉏白鷓也亦曰鷓鷩陸璣曰汶陽謂之

白鷓齊魯謂之春鉏遼東樂浪吳揚皆謂之白鷓

雉之類多爾雅曰鷓雉鷓雉鳴雉鷓雉秩秩海雉鷓

山雉韃雉鷓雉絕有力奮伊洛而南素質五采皆

備成章曰翬江淮而南青質五采皆備成章曰鷩南方曰鷩東方曰鷩北方曰鷩西方曰鷩鷩音送鷩雉即鷩雉也青質而有五采者鷩音驕鷩音卜鷩雉即鷩雉也朱冠綠臉項背有文腹下黃赤大如雞雉者有文彩據文勢是如此郭氏離此為四物誤矣秩秩者即海雉也郭云如雉而黑在海中山上鷩音狄即山雉也此與鷩雉是一種小異亦有文彩郭云長尾者翰音汗即鷩雉也今謂之白鷩似鷩而大白色紅臉可愛鳥之健勇者惟雉雉之有力者曰奮翬鷩皆所產之異鷩鷩鷩鷩皆所呼之異鷩音儔鷩音遵

據下脫此字

鷩鷩爾雅曰鷩鷩如鷩短尾射之銜矢射入鷩鷩鷩鷩音歡團福柔此鳥一名儔弄言雖弄亦懈惰不敢射之

獸類

麋之類多爾雅曰麋牡麋牝麋其子麋其跡躔絕有力狄鹿牡麋牝麋其子麋其跡速絕有力麋麋牡麋牝麋其子麋其跡解有力斫按麋麋也麋其總名也麋麋麋麋麋麋麋麋音答辰杏加迷堅侯栗鉏又曰麋大麋牛尾一角鹿音炮即麋也漢武帝郊雍得一角獸若鹿然謂之麟即此也麋音京又曰麋大麋

解下脫絕字

旄毛狗足今謂之麀音几旄毛猥長毛也旄音冒又
曰麀父麀足其脚似麀食栢葉而臍甚香父音甫
狼爾雅曰狼牡獾牝狼其子獾絕有力迅又曰豺狗
足即狼也獾音亦

兔爾雅曰兔子蹠其跡迹絕有力欣

豕爾雅曰豕子豬獾獾么幼奏者獾獾者獾一名
獾郭云俗呼小獾豬爲獾子獾謂犍豬也么幼者郭
云俗呼豕最後生者爲么豚奏者獾者皮理湊蹠者
名獾獾獾么奏獾音偉墳腰湊温又曰豕生三豨二
師一特所寢槽四獾皆白豨絕有力豨牡豨槽音增

豕所臥之簣也獾音滴蹠也蹠蹄也豨音厄郭云豕
高五赤者豨音垓

虎之類爾雅曰虎竊毛謂之號貓竊古淺字號音殘

此文錯
當移於
下文也
麀之間

郭氏引古律文捕虎一資錢三千其狗半之爾雅又
曰麀白虎麀黑虎黠無前足晉太康七年召陵扶夷

縣檻得一獸似狗豹文有角兩脚即此類也或說黠

似虎而黑無前兩足麀音含麀式六反黠足滑反

熊羆之屬爾雅曰羆如熊黃白文羆似熊長頭高脚

猛憨過於熊其脂似熊白而羆又曰熊虎醜其子狗

絕有力麀醜類也麀音咸又曰麀如小熊竊毛而黃

郭云今建平山中有此獸狀如熊而小俗呼為赤熊
即麋也音頽

狐狸之屬爾雅曰狸狐貍貍醜其足踏其跡瓜踏音
煩掌也瓜音狙指頭著地處又曰狸子隸貍子貍隸
音曳貍下各反貍似狐善睡亦謂之貉郭云今江東
呼貉為狝狝

貍爾雅曰貍貍似狸貍貍音樞萬字林云貍似狸而
大一名貍郭氏云今山民呼貍虎之大者為貍貍
麋羊爾雅曰麋大羊音靈陶隱居云其角多節蹙蹙
員繞者為真惟一邊有節節踈大者為山羊按此二

上者之
間脫鼻
上字

羊俱似羊而大在山崖間又曰羴如羊音元郭云似
吳羊而大角角橢出西方
犀兕之屬爾雅曰兕似牛如野牛青色重千斤一角
長三赤餘形如馬鞭柄其皮堅厚可制鎧又曰犀似
豕今出交阯形似水牛豬頭三角一在頂上一在額
上一在鼻上者即食角也小而不橢好食棘亦有一
角者其通天犀乃是水犀角上有一白縷直上至端
能出氣通天置露中不濡置屋中烏鳥不敢集屋上
置米中雞皆驚駭故亦謂之駭雞犀抱朴子曰通天
犀角三寸以上者刻為魚銜之入水水常為開三赤

獫狁之屬爾雅曰蒙頌獫狀郭云即蒙貴也狀如雌
而小紫黑色可畜健捕鼠勝於猫九真日南皆出之
獫亦獼猴之類又曰獫媛即媛也媛善攀援
獫狁爾雅云獫狁類驅虎爪食人迅走山海經云少
咸山有獸狀如牛而赤身人面馬足名曰窳窳其音
如孩兒食人所說與此異獫鳥八反狁羊主反
驪爾雅云驪如馬一角不角者騏驎音攜郭云元康
八年九真郡獵得一獸大如馬一角角如鹿茸此即驪
也今深山中人時或見之亦有無角者
獫亦謂之獫爾雅云獫子獫音湍窳音豨而

肥

猶爾雅云猶如鹿善登木說文云猶獫屬也鹿音几
狒狒爾雅云狒狒如人被髮迅走食人狒扶味反梟
羊也俗呼山都人面長脣見人則笑笑則脣蔽其面
左手操管
雌爾雅曰雌印鼻而長尾狀如獼猴而大黃黑色尾
長數尺似獼尾末有岐鼻露向上兩即以尾塞鼻或
以兩指所在山中有之
麋麋爾雅云麋麋短脰
贄有力贄呼犬反郭云西海大秦國有養者似狗多

力獷惡

虞爾雅曰虞迅頭郭云今建平山中有虞大如狗似獼猴黃黑色多髯鬣好奮迅其頭能舉石擲人獼類也虞音據

猩猩爾雅云猩猩小而好啼人面豕身長髮能言語好飲酒醉則人髡其髮為髮聲似小兒啼

狻麈爾雅云狻麈如虓貓食虎豹即獅子也漢順帝時踈勒國獻獅子似虎正黃有頰形尾端茸毛大如

斗
麈爾雅云麈麈身牛尾一角此瑞應獸也黃色圓蹄

馬足角端有肉麈即麟字

鼠之屬多爾雅曰鼯鼠音憤地中行者食竹根今人

謂之竹鼯伯勞所化廣雅謂之鼯鼠又曰鼯鼠刮黍

反大戴禮云田鼠者鼯鼠也郭云以頰裏藏食者又

曰鼯鼠鼠之最下者郭氏云謂有螫毒者一說甘口

鼠也又曰鼯鼠音斯似鼯鼠夏小正曰鼯鼠則穴蓋

九月也又曰鼯鼠弋救反狀如鼯赤黃色大尾能啖

鼠俗呼鼠即江東呼為鼯即莊子云騏驎騏驎捕鼠

不如狸鼯是也又曰鼯鼠音劬小鼠也一名鼯鼯亦

謂之鼯鼯又曰鼯鼠音時吠並未詳又曰鼯鼠

音石郭云形大如鼠頭似兔尾有毛青黃色好在田
中食粟豆關西呼為鼯鼠鼯音瞿又曰鼯鼠鼯音
問終並未詳又曰豹文鼯鼠音廷常在木上如鼠大
其文似虎豹今深林中甚多漢武帝時得此鼠孝廉
卽終軍知之賜綰百疋又曰鼯鼠古覓及郭云今江
東山中有鼯鼠狀如鼠而大蒼色在木上音覓按郭
氏此說又與鼯鼠相類

馬之類多爾雅曰駒駘馬音陶徒字林云北狄良馬
也郭云色青又曰野馬郭云如馬而小穆天子傳云
野馬日走五百里又曰駮如馬倨牙食虎豹倨卽鋸

膝皆之
間脫上

也山海經云中曲山有獸如馬而身黑二尾一角音
如鼓名駮食虎豹可以禦兵又曰駮蹄跂善陞駮
蹄者其蹄如跂秦時有駮蹄苑駮山嶺也郭云形似
駮上大下小駮駮音昆硯又曰駮駮枝蹄跂善陞駮
枝蹄如牛蹄是也牛枝蹄馬溷蹄又曰小領盜驪穆
天子傳云天子駕八駿右盜驪左綠耳小領細頸也
又曰絕有力駮馬高八尺曰駮音戎又曰膝皆白惟
鬃四散皆白驢四蹄皆白首前足皆白駮後足皆白
狗前右足白啓左白蹄後右足白驤左白鬃駮馬白
腹駮驪馬白蹄驢白州驢尾本白驤尾白駮駮額白

顛白達素顛白達素將面額皆白惟驪散膝下也蹄蹄也驪赤
 色驪黑色跨髀間也州竅也尾本尾根也尾根白曰
 驪尾毛白曰駮顛額上也素鼻莖也額額也散繒駮
 狗蹄驪驪驪駮駮音鼓繒奚劬欺利聿燕晏郎的
 又曰回毛在膺宜乘在肘後減陽在幹第方在背
 廣減廣音淡光回毛旋毛也膺曾也幹脇也又曰逆
 毛居駮音充郭云馬毛逆刺又曰駮牝驪牝鄭玄謂
 七尺曰駮牝者色驪牝者色玄注周禮復謂七尺已上
 者為駮又曰玄駒裏駮裏奴了反鄭云玄駒小馬之
 別名又曰牡曰驪牝曰駮郭云江東呼駮馬曰驪駮

七尺曰
 三字恐
 衍

音舍草馬也又曰駮白駮黃白驪駮馬黃脊驪驪馬
 黃脊駮青驪駮青驪驪駮青驪駮青驪駮青驪駮青驪
 黃白雜毛駮陰白雜毛駮蒼白雜毛駮形白雜毛駮
 白馬黑鬣駮白馬黑鬣駮黑駮一目白睛二目白
 魚孫炎云駮赤色也青驪駮郭云今之鐵駮也青驪
 驪驪謂青黑二色相雜如魚鱗郭氏謂今之連錢駮
 是也鳴郭云今之烏駮駮郭云今之桃花馬陰淺黑
 色也駮郭氏謂今之泥駮蒼淺青色也形赤色也喙
 口也凡此所言皆典籍所載之馬人或不曉其毛物
 故爾雅釋之驪駮音度習駮呼駮反驪良刃反驪駮

通七見及五火二

四二四

馮駟駮駮駮音陀柔保皮遐詮閑

牛之屬多爾雅曰摩牛爆牛擺牛犂牛犛牛犗牛犝牛犞牛
牛摩音麻郭云出巴中重千斤爆音雹郭云即犂牛
也領上肉爆朕起高二尺許如橐駝肉鞍一邊健者
日行三百里交州合浦徐聞縣出此牛按犂牛漢順
帝時疎勒王來獻此擺音皮郭云擺牛庫小今之犛
牛也又呼果下牛出廣州高涼郡犂音危郭云即犛
牛也如牛而大肉數千斤出蜀中犛音獵郭云即旄
牛也犛膝尾皆有長毛按此牛角向前毛如白雪其
長毛今人以爲拂子出荆夔間犗音童無角牛犝古

覓反未詳何牛也又曰角一俯一仰筋皆踊鬣黑唇
特黑皆抽黑耳犛黑腹牧黑脚捲其子犢體長特絕
有力欣蝦筋音欺踊騰也謂角騰起鬣音誓特閏旬
反背才細反目匡也犛音尉捲音權體身也特匹外
反蝦音加

羊之屬多爾雅曰羊牡粉牝牂吳羊牡曰粉音墳又
曰夏羊牡踰牝殺郭云夏羊者黑殺羴也臣疑今胡
羊也多出夏州踰音俞然今人呼牡羊爲羴音古又
曰角不齊觮音鬼又曰角三觶羴音險此謂羊角捲
三匝者又曰藩羊黃腹音煩又曰未成羊羴直呂反

郭云俗呼五月羔為狩又曰絕有力奮
狗之屬多爾雅曰犬生三獫狁一獫狁音宗祈
又曰未成毫狗郭云狗子未生韃毛者又曰長喙獫
短喙獨獫駟賦云載獫獨獫音呼儉切獨音呼謁
切獫音呼驕切又曰絕有力狽音兆尤狗也

昆蟲草木略卷第二

天明乙巳秋九月刻成

二條高倉東江入町

林喜兵衛

寺町二條下儿甲

秋田屋藤兵衛

五條高倉東江入町

北村四郎兵衛

皇都書肆

